



Akcija pripadnika SIPA-e u Sarajevu

## Uhapšen Benedikt Pindrić, međunarodni narkodiler

Pretrazeni objekti na tri lokacije • Pronađeni oko 900 grama spida, tablete zelene boje, digitalna vaga, novac • Privođen i u Hrvatskoj

Tužilaštvo Kantona Sarajeva Općinskom sudu u Sarajevu uputilo je prijedlog za određivanje mjere pritvora za Benedikta Pindrića (40), kojeg su preksinoć na području Sarajeva uhapsili pripadnici Državne agencije za istrage i zaštitu (SIPA) zbog sumnje da je neovlašteno proizvedio i stavljao u promet droge.

Ovu informaciju potvrdio nam je Alem Hamzić,

portparol Tužilaštva KS, i dodao da je pritvor zatražen zbog opasnosti od bijega te da bi osumnjičeni na slobodi mogao ometati istragu.

### Pretresi i zapljene

U akciji su pretrazeni objekti na tri lokacije s ciljem pronalaska i privremenog oduzimanja predmeta koji mogu poslužiti kao dokaz u daljnjem postupku. Nave-

dene aktivnosti realizirane su prema naredbama Općinskog suda u Sarajevu, a pod nadzorom Tužilaštva KS.

Pronađeni su i oduzeti oko 900 grama spida, određena količina tableta zelene boje, koje će biti predmet vještačenja, precizna digitalna vaga, određeni novčani iznos i drugi predmeti koji mogu poslužiti kao dokazni materijal.

Prema pisanju hrvatskih

medija, Benedikt Pindrić zvaní Beco, rođen u BiH s prebivalištem u Malinskoj na Krku, dugogodišnji je narkodiler.

### Kriminalna grupa

U akciji "Zadar 2" 2009. godine pripadnici US-KOK-a uhapsili su četvoricu kriminalaca koji su švercali drogu iz BiH u Hrvatsku s namjerom da je dilaju u Zadru i srednjoj Dalmaciji.



Privođenje Pindrića u Tužilaštvo KS

(Foto: I. Sebalj)

Tada je Pindrić uhapšen zajedno s Marijanom Begičevićem (46) iz Brčkog. Sva trojica su državljani Hrvatske i BiH. Policija je tada od njih zaplijenila 2,5 kilograma heroína i 240 gram kokaina. **D.Ž.B.**